

生但剎那白 玉天還有詔應是典風騷黃

疎山舟中聯句

山影卧寒碧波光搖虛空白 權凌千頃月帆鼓一天風黃 列岸

萬絲柳遙岑數粒松詩魂混雁鶩草聖驚魚龍白 夢斷江樓笛

吟餘烟寺鍾電華飛我劍虹暈掛吾弓黃 清嘯騎汗漫朗吟泛

溟濛白 誰云澤國小樂亦在其中黃

雪窗聯句 王樅張雲友劉希古三友

霜風寒襲人張 梅香清透骨莫色冥九峯白 月華澹雙闕青猿

嘯蒼虬王 紅螢粘綠髮滕六欲飛花劉 巽二急催雪爐烹獸炭

紅張 簾捲鴛羅纈更燒古龍涎白 滿斟青鳳血堆盤老榛栗王

道藏輯要

白真人集

四

二

婁集四

託契舊瓜葛笑揮白玉塵劉 共說丹砂訣飄飄志欲仙張 酣醋

耳正熱松鶴警清露白 烟麋卧蒼樾一鴈過天外王 孤鵲遶木

未隱約銀漢星劉 微芒翠杉月燭花凍不淚張 火柿撥欲滅回

首顧壁影白 開懷吐談屑結習三生路王 慷慨萬人傑聚散如

浮萍劉 死生猶幻沫萬事一置之張 四皓不渠劣夜深戶泣鬼

白歲晚霜摩鵲泉涸水涯淡王 雲渺天空闊餓鼠齧枯藤劉 凍

蠅棲瑣闥觴詠興未闌張 烘堂各粲發白

權歌聯句

西風起兮落葉黃兮黍稷香兮白 擊空明兮泝流光兮天一方

兮白 彼美人兮遙相望兮彼蒼兮茫兮黎 擊孤舟兮蓼花傍兮啼

寒蟹兮黎

戲聯食鱗體取其骨糜肉化之義

何其秀且明而况清以美不醉將如何無吟詎自己白凡與共
此者但須行樂耳無意必固我可久速仕止黃離合忍復道光
陰能有幾相對默不言新筭多且旨白玄中難致詰聖處可勝
紀何為是栖栖未免聊復爾黃

戲聯疊韻體

兩槩往莽蒼弓蓬窮空濛白偃僕苦怒雨穹窿通雄風黃美茵
迤邐紫叢楓朦朧紅白彼美綺里子終同隆中翁黃

戲聯回文體

道藏輯要

白真人集

四

三

雙集四

水連天渺渺山映月亭亭尾樵依鳧渚頭船過蓼汀白鬼神號
暝壑烟霧靄踈樵美醞浮觴玉輕衣拂劍星黃

夜船與盤雲聯句回文

煙山暮滴翠露葉秋翻紅白川急回斜岸草枯凋薄霜黎蟬寒
嘶月淡鴈過唳天長白船泊宜沙浦夜深同詠觴黎

潘紫巖與余賦雪約不得用色數并寔字及比喻

不似尋常凍俄而散漫飛羞明猶欲落等伴未全晞白承得圓
還碎看來是復非積深仍密密舞急轉霏霏潘弗是篩成細何
如拾取歸今焉皆璀璨昨者只沒漈白掃去依元有呵來忽漸
微亂飄寒轉甚相映遠生輝潘莫踏凹中滿遙知凸處肥嚴凝